

Deman finalize eth tèrme des acreditacions *online* entà accedir ath centre de difusion de donades des eleccions deth 21D

- **Es mejans que non s'agen enregistrat dempús d'aguesta data ac poderàn hèr de forma presenciau en Pabalhon 8 de Fira de Barcelona (zòna Gran Via) es dies 20 e 21 de deseme**
- **S'alongue a dimars 19 de deseme eth periòde entà arrecuèlher es acreditacions e realizar es montatges des mejans audiovisuaus**

Dema dijaus, 14 de deseme, se barre eth tèrme d'acreditacions *online* entàs mejans que volguen corbir es eleccions deth 21 de deseme dempús deth centre de difusion de donades abilitades peth departament dera Vicepresidència e d'Economia e Finances en Pavalhon 8 de Fira de Barcelona, en zòna Gran Via (carrèr del Foc, 45). Es diaris, mejans numerics, ràdios e televisions que non agen aumplit es formularis poderàn enregistrar-se de forma presenciau es dies 20 e eth madeish dia des eleccions, 21 de deseme, maugrat qu'ei conselhable qu'ac hèsquen damb anticipacion.

D'un aute costat, s'a alongat eth tèrme d'arrecuelhuda des acreditacions sollicitades prealablaments. Atau, a part de dimèrcles 20 e dijaus 21, es distintius tanben se poderàn anar a cercar dimars 19.

Es acreditacions s'arrecuelheràn en espaci que s'abilitarà damb aguesta finalitat en Pabalhon 8 de Fira de Barcelona de 10h a 20h eth dimars 19 e eth dimèrcles 20, e eth madeish dia des eleccions, a compdar de 8h enquiath començament dera darrèra arròda de premsa programada.

Fin finau, es mejans audiovisuaus qu'agen reservat espacis entà camèras e equipes techniques poderàn realizar es corresponents montatges a compdar de dimars 19 de deseme.

Entà mès informacion: <http://www.parlament2017.cat/ca/sala-premsa/index.html>



Generalitat de Catalunya
**Departament de la Vicepresidència
i d'Economia i Hisenda**

Gabinet de Comunicació

Dimèrcles, 13 de deseme de 2017



Dimèrcles, 13 de deseme de 2017